

Lög BSRB

I. KAFLI

Nafn og hlutverk

1. gr.

Bandalag starfsmanna ríkis og bæja, BSRB, er bandalag stéttarféлага starfsmanna í almannajónustu hjá ríki, sveitarfélögum og á almennum markaði og annarra aðila sem rétt eiga til aðildar að bandalaginu samkvæmt lögum þessum.

Heimili og varnarþing er í Reykjavík.

2. gr.

Hlutverk bandalagsins er:

1. Að styðja og efla aðildarfélögin í því að skapa gagnkvæman skilning og samstöðu þeirra í baráttu fyrir stéttarlegum, félagslegum og menningarlegum hagsmunum,
2. að fara með fyrirvar starfsmanna í almannajónustu hjá ríki, sveitarfélögum og á almennum markaði í sameiginlegum hagsmunamálum,
3. að vinna að auknu jafnrétti,
4. að vinna að auknum mannréttindum,
5. að styrkja réttarstöðu félagsmanna,
6. að vinna að bættu samfélagi,
7. að tryggja félagafrelsi og fullan og óskoraðan sammingsrétt,
8. að vinna að auknum skilningi á þýðingu starfa í almannajónustu,
9. að vinna að aukinni fræðslu-, upplýsinga- og menningarstarfsemi,
10. að hafa samstarf við önnur samtök launafólks innanlands og utan.

II. KAFLI

Aðild að bandalaginu

3. gr.

Aðild að BSRB geta átt:

1. Öll sambönd og/eða félög starfsmanna sem rétt hafa eða hafa haft til að gera kjarasamning skv. lögum nr. 94/1986.
2. Sambönd eða félög starfsmanna fyrirtækja eða stofnana sem starfa í almannajónustu.
3. Einstaklingar í opinberri þjónustu sem ekki eiga rétt til aðildar í neinu bandalagsfélagi, starfsmenn BSRB og aðildarféлага þess.

4. gr.

Félög þau eða sambönd félaga sem óska aðildar að bandalaginu skulu skipulögð á lýðræðisgrundvelli og lög þeirra mega ekki brjóta í bága við lög þessi eða grundvallaratriði í samþykktum bandalagsins. Félög eða sambönd sem óska inntöku á grundvelli 1. tölul. 3. gr. skulu á sannanlegan hátt uppfylla þá tölu um fullgilda félagsmenn sem kveðið er á um í 5. gr. laga nr. 94/1986. Umsókn um aðild skulu fylgja eftirtalin gögn:

- a) Eintak af lögum félagsins.
- b) Félagsmannatal þar sem tilgreint er fullt nafn, kennitala, heimilisfang og vinnustaður hvers félagsmanns.
- c) Nöfn stjórnar- og varastjórnarmanna, svo og þær upplýsingar aðrar sem bandalagsstjórn óskar eftir.

- d) Bandalagsstjórn tekur ákvörðun um inntöku félaga en leita skal staðfestingar næsta bandalagsþings. Bandalagsstjórn tekur endanlega ákvörðun um inntöku einstaklinga.

5. gr.

Þyki sannað að aðildarfélag og eða einstaklingur skv. 3. tl. 3. gr. þessara laga hafi framið alvarlegt brot á lögum þessum eða vísvitandi valdið bandalaginu tjóni á annan hátt getur aðalfundur vikið viðkomandi félagi og eða einstaklingi úr bandalaginu en til þess þarf 2/3 hluta greiddra atkvæða.

Ákvörðun um brottvikningu skal leggja fyrir næsta bandalagsþing til fullnaðar-ákvörðunar. Til að staðfesta brottvikningu þarf 2/3 greiddra atkvæða.

6. gr.

Aðila sem vikið hefur verið úr BSRB má taka inn að nýju enda sé þá fullnægt þeim skilyrðum sem stjórn þess eða fulltrúaðing telur nauðsyn að setja hverju sinni.

7. gr.

Tillaga um úrsögn úr BSRB skal rædd á lögsmætum aðalfundi félags eða fulltrúaðingi landssambands og hennar getið í fundarboði.

Gera skal bandalagsstjórn viðvart um tillöguna með minnst 4 vikna fyrirvara og skal fulltrúi bandalagsstjórnar ávallt sitja fundi eða fulltrúaðing bandalagsfélaga þegar fjallað er um úrsögn úr bandalaginu.

Úrsagnartillaga skal afgreidd með allsherjaratkvæðagreiðslu, þó ekki fyrr en 4 vikum eftir aðalfund eða fulltrúafund. Samþykki a.m.k. 2/3 hluta fundarmanna á aðalfundi eða fulltrúaðingi þarf til þess að tillagan gangi áfram til allsherjaratkvæðagreiðslu.

Úrsögn telst samþykkt ef a.m.k. helmingur félagsmanna er henni fylgjandi eða 2/3 hlutar þeirra sem þátt taka í allsherjaratkvæðagreiðslunni. Félagi telst hafa tekið þátt í allsherjaratkvæðagreiðslum er hann skilar kjörseðli.

Yfirkjörstjórn BSRB sér um atkvæðagreiðslu um úrsögn, sbr. 36. grein.

Úrsögn tekur gildi frá lokum þess árs er hún hlýtur samþykki og er viðkomandi félag skattskyld fyrir það ár. Félag sem segir sig úr BSRB á ekki tilkall til sjóða eða annarra eigna bandalagsins.

III. KAFLI

Réttindi og skyldur bandalagsfélaga

8. gr.

Eftir nánari ákvörðun í lögum bandalagsfélaga skulu þau opin opinberum starfsmönnum sem eru skipaðir, settir eða ráðnir í þjónustu stofnana þeirra eða í starfsgrein þeirri sem félagið nær til.

Heimilt er aðildarfélögum að taka inn sem fullgilda félagsmenn þá starfsmenn á viðkomandi félagssviði sem taka laun hjá fyrirtækjum eða stofnunum sem starfa í almannabágu.

Aðildarfélögum er heimilt að leyfa félagsmönnum sínum áframhaldandi félagsaðild þótt þeir láti af störfum eða missi atvinnu sína.

Starfsmenn er láta af störfum um stundarsakir vegna náms, er varðar störf þeirra, glata ekki félagsréttindum sínum meðan á námi stendur.

Félagsmaður sem ráðinn er til starfa hjá bandalaginu eða félagi innan þess heldur fullum réttindum í félagi sínu meðan hann gegnir slíku starfi.

Flytjist félagsbundinn starfsmaður milli félaga vegna breytinga í starfi öðlast hann sjálfkrafa rétt til yfirfærslu í viðkomandi bandalagsfélag enda sé hann með fullum réttindum í því félagi er hann flyst úr.

9. gr.

Aðildarfélög geta stofnað sérdeildir lífeyrisþega og/eða eftirlifandi maka þeirra. Heimilt er að stofna félög þeirra lífeyrisþega og/eða eftirlifandi maka sem verið hafa innan BSRB en eru ekki sérdeild aðildarfélags.

Deildir lífeyrisþega samkvæmt 1. mgr. myndi með sér samband lífeyrisþega sem njóti réttinda skv. þessari grein. Formaður Sambands lífeyrisþega eða staðgengill hans sitji í stjórn BSRB með málfrelsi og tillögurétti.

10. gr.

Enginn getur átt atkvæðisrétt eða kjörgengi til trúnaðarstarfa samkv. lögum þessum nema í einu bandalagsfélagi.

Starfi maður samkvæmt kjarasamningum fleiri en eins stéttarfélags sem á aðild að BSRB skal hann gagnvart BSRB einungis teljast félagsmaður þess stéttarfélags sem samið hefur um stærstan hluta starfs hans.

Ef mörkin eru óljós eða starfið skiptist að jöfnu milli tveggja kjarasamninga ákveður starfsmaður sjálfur í hvoru stéttarfélaginu hann teljist félagsmaður gagnvart BSRB.

11. gr.

Óski félagsmaður að leita réttar síns með aðstoð samtakanna skal hann leita til síns bandalagsfélags. Verði óskað aðstoðar BSRB skal jafnan fylgja slíkri málaleitan greinargerð viðkomandi félags um beiðni þess ásamt gögnum málsins.

12. gr.

Hvert félag hefur fullt frelsi um mál sín, þó svo að eigi fari í bága við lög BSRB eða samþykktir bandalagsþinga.

13. gr.

Ágreiningsmálum, sem upp kunna að koma í félagi og varða bandalagið, má skjóta til stjórnar þess. Úrskurður hennar skuldbindur aðila en áfrýja má honum til aðalfundar.

Sama gildir um ágreiningsmál er rísa kunna milli bandalagsfélaga og þeim tekst ekki að jafna.

14. gr.

Bandalagið skal halda skrá yfir félagsmenn aðildarfélaga sinna og stjórnir þeirra í samráði við félögin og með aðstoð þeirra.

15. gr.

Bandalagsfélög skulu að loknum aðalfundi sínum eða þingi senda skrifstofu bandalagsins:

- a) Skýrslu stjórnar og reikninga,
- b) ályktanir og samþykktir um kjaramál og önnur stéttarmálefni,
- c) uppfært félagatal og nýkjörna stjórnar- og nefndarmenn félags þar sem tilgreind skulu vera kynjahlutföll.

Blöð og tímarit er aðildarfélög eða deildir þeirra gefa út skulu senda skrifstofu BSRB.

Aðildarfélög skulu senda skrifstofu BSRB afrit kjarasamninga, er þau gera, þegar eftir undirskrift þeirra.

Nái aðildarfélag samningi, falli dómur eða úrskurðað er í máli sem félag hefur verið aðili að um málefni sem gæti varðað BSRB skal afrit þess eða upplýsingar þar um einnig sendar skrifstofu BSRB.

Óski bandalagið upplýsinga eða umsagnar bandalagsfélags varðandi eitthvert stéttarmálefni ber því skylda til að láta í té svar sitt svo fljótt sem verða má.

Á sama hátt er bandalagsstjórn skylt að veita bandalagsfélögum upplýsingar um stéttarmál ef óskað er.

16. gr.

Ef stjórn bandalagsins, eða þing telja nauðsyn bera til að leita allsherjaratkvæðagreiðslu í bandalagsfélögum, skal hún snúa sér til hlutaðeigandi félagsstjórnar sem þá er skylt að láta slíka atkvæðagreiðslu fara fram.

Kjörskrá við allsherjaratkvæðagreiðslu skal vera skrá BSRB yfir félagi í aðildarfélögum þess.

IV. KAFLI Fulltrúakjör

17. gr.

Aðildarfélögin hafa rétt og skyldur til að kjósa fulltrúa úr hópi fullgildra féлага sinna til setu á bandalagsþingum eftir þessum reglum.

Fyrir félagatölu upp að 50, einn fulltrúa, og síðan einn fulltrúa fyrir hverja 100 félagsmenn þar yfir eða brot úr þeirri tölu.

Kjósa skal jafnmarga til vara. Tala fulltrúa miðast við félagatölu eins og hún reynist 1. janúar það ár sem halda skal aðalþing bandalagsins. Heimilt er þó að víkja frá þessari dagsetningu við sérstakar aðstæður. Kjörtímabil fulltrúa er þrjú ár, þ.e. milli aðalþinga nema annað sé ákveðið í lögum viðkomandi aðildarfélags.

Þrír fulltrúar frá Sambandi lífeyrisþega ríkis og bæja (SLRB) eiga rétt til setu á þinginu með fullum réttindum.

Kjörbréf staðfest með undirskrift formanns og ritara aðildarfélags skal afhent í skrifstofu bandalagsins a.m.k. sex vikum áður en þing á að hefjast.

V. KAFLI Bandalagsþing

18. gr.

Bandalagsþing fer með æðsta vald í öllum málum bandalagsins.

Bandalagsþing er lögmætt ef það er löglega boðað.

Þingfundur er lögmætur þegar fullur helmingur þingfulltrúa er á fundi. Stjórn BSRB, oddvitar svæðisnefnda skv. 37. gr., og starfsmenn bandalagsins eiga rétt til þingsetu með málfrelsi og tillögurétti en atkvæðisrétt hafa þeir ekki nema þeir séu kjörnir fulltrúar.

19. gr.

Aðalþing skal halda þriðja hvert ár og eigi síðar en í októbermánuði.

Stjórn bandalagsins skal kalla saman aukað þing þegar henni þykir nauðsyn, eða ef meirihluti aðildarféлага eða félag sem telja meirihluta félagsmanna í bandalaginu krefjast þess skriflega.

20. gr.

Bandalagsþing skal boða með tveggja mánaða fyrirvara bréflaga. Aukaþing má boða með styttri fyrirvara.

21. gr.

Skýrslu bandalagsstjórnar, sjálfstæðar tillögur eða mál, sem stjórnin eða aðildarfélag óska að leggja fyrir bandalagsþing, svo og dagskrá, skal senda félögum eigi síðar en þrem vikum fyrir þing. Tillögur einstakra þingfulltrúa eða breytingartillögur við fyrrgreind mál skulu lagðar fyrir fjölritaðar á þinginu og fjalla skal um þær í þeirri þingnefnd sem málið tilheyrir.

22. gr.

Mánuði fyrir þingbyrjun skal stjórn bandalagsins skipa:

- a) Þrjú menn í kjörbréfanefnd til að rannsaka kjörbréf og skal hún skila álitum á fyrsta þingfundi,
- b) sjö menn úr hópi kjörinna þingfulltrúa utan stjórnar bandalagsins í nefndanefnd er geri tillögu um fulltrúa í þingnefndir sem verði lagðar fram til afgreiðslu á fyrsta þingfundi.

23. gr.

Dagskrá reglulegs bandalagsþings skal vera:

1. Þingsetning.
2. Nafnakall fulltrúa.
3. Kjörbréf lögð fram til úrskurðar.
4. Kosning starfsmanna þingsins: a) forseta og tveggja varaforseta, b) tveggja þingritara og tveggja til vara, c) kosning þingnefnda skv. 22. gr. b-lið.
5. Lögð fram skýrsla stjórnar.
6. Lagabreytingar.
7. Tillögur, sem borist hafa, teknar til umræðu og vísað til nefnda.
8. Umræður og afgreiðsla nefndarálita.
9. Önnur mál.
10. Kjör formanns BSRB, varaformanna, gjaldkera og ritara.

Þingið ákveður dagskrá að öðru leyti.

24. gr.

Þingfundum skal stjórnað samkvæmt þingsköpum BSRB.

Einfaldur meirihluti ræður úrslitum í öllum málum, nema öðruvísi sé ákveðið í lögum þessum.

VI. KAFLI

Fjármál

25. gr.

Á aðalfundi BSRB á síðasta ársfjórðungi leggur stjórn bandalagsins fram fjárhagsáætlun aðalsjóðs fyrir komandi starfsár.

26. gr.

Hvert aðildarfélag greiði í gjald til bandalagsins ákveðinn hundraðshluta af föstum launum félagsmanna sinna, sbr. 3. mgr. 33. gr., sem aðild eiga að bandalaginu. Heimilt er bandalagsstjórn í umboði félags að innheimta gjald þetta hjá launagreiðendum.

27. gr.

Einstaklingur sem er aðili að bandalaginu, skv. 3. gr. 3. tölul., skal greiða í iðgjald það hlutfall sem bandalagsfélög greiða af hverjum félagsmanna sinna á sama hátt og um getur í 26. gr.

28. gr.

Innheimta félagsgjalda fari fram með rafrænum hætti í gegnum bókuvarnarskipti og innheimtumiðstöð BSRB (BIBS).

29. gr.

Kostnaður við þinghald, aðalfundi og fundi stjórnar og aðra fundi sem boðað er til af stjórn BSRB greiðist af bandalaginu, þar með talinn ferðakostnaður fulltrúa búsettra utan þingstaðar og nágreinnis. Stjórn BSRB hefur ákvörðunarvald um hvað telst til kostnaðar.

VII. KAFLI

Stjórn bandalagsins

30. gr.

Stjórn BSRB er skipuð formönnum aðildarféлага BSRB hverju sinni eða staðgenglum þeirra, formanni BSRB, varaformönnum, gjaldkera og ritara sem kosnir skulu á reglulegu bandalagsþingi. Kjósa skal formann, 1. og 2. varaformann, gjaldkera og ritara hvern fyrir sig. Þeir myndi framkvæmdanefnd sem starfi í umboði stjórnar með öðrum þeim sem aðalfundur ákveður hverju sinni að skipi nefndina. Hún framkvæmi vilja stjórnar og hafi umsjón með starfi og rekstri bandalagsins milli stjórnarfunda.

Enginn er löglega kosinn nema hann fái helming greiddra atkvæða. Sé formaður, varaformenn, gjaldkeri og ritari kosnir úr hópi formanna gefur það félagi þeirra ekki rétt til að tilnefna fulltrúa í þeirra stað í stjórn. Kjörgengir eru allir fullgildir félagar í BSRB.

Ef formaður eða varaformaður lætur af störfum á kjörtímabilinu kýs stjórnin 2. varaformann úr sínum hópi.

31. gr.

Stjórn bandalagsins hefur æðsta vald í málefnum þess milli bandalagsþinga og ber hverjum félagi að hlíta fyrir mælum hennar en rétt hefur hver aðili að skjóta ágreiningsmálum sínum við stjórn bandalagsins til bandalagsþings, sem þá fellir fullnaðarúrskurð í málinu.

Stjórnin skal haga störfum sínum í samræmi við lög bandalagsins og samþykktir þinga þess og aðalfunda.

Verkefni stjórnar eru m.a. að:

1. Ráða starfsmenn bandalagsins, ákveða starfssvið þeirra og semja um laun og önnur starfskjör,
2. gæta sjóða og eigna bandalagsins í samræmi við fyrirmæli laga, fjárhagsáætlunar og reglugerða,
3. koma fram út á við sem málsvari bandalagsins, þar á meðal velja fulltrúa til setu í opinberum nefndum og í önnur trúnaðarstörf samkv. lögum eða öðrum fyrirmælum,
4. velja fulltrúa á ráðstefnur, þing eða aðra fundi sem BSRB á aðild að,
5. sjá um útgáfu málgagns og fréttatilkynninga, skipuleggja námskeið fyrir trúnaðarmenn og starfsmenn bandalagsféлага og aðra fræðslu- og menningarstarfsemi,

6. gefa árlega út skýrslu um starfsemi BSRB og senda aðildarfélögum fréttir af starfi sínu.

Stjórninni er heimilt að skipa nefndir til að sinna ákveðnum verkefnum.

32. gr.

Formaður kallar saman stjórnarfundir, hefur eftirlit með allri starfsemi bandalagsins og gegnir öðrum venjulegum formannsstörfum.

Heimilt er formanni með samþykki stjórnar að fela varaformönnum að fara með einhvern hluta af störfum sínum.

Fyrsti varaformaður gegnir störfum formanns í forföllum hans.

Ritari sér um ritun fundargerða á stjórnarfundum og undirritar þær með formanni. Heimilt er að fela starfsmanni utan stjórnar að rita fundargerðir.

Gjaldkeri sér um fjárreiður bandalagsins og varðveislu sjóða. Hann hefur umsjón með gerð ársreikninga og skilum á þeim til skoðunarmanna og löggilts endurskoðanda. Reikningar skulu afgreiddir á aðalfundi BSRB.

Stjórnarfundir skal kalla saman að minnsta kosti ársfjórðungslega og svo oft sem þurfa þykir. Ennfremur ef 1/3 stjórnarmanna æskja þess. Dagskrár sé getið með fundarboðum. Fundur er lögmætur þegar meirihluti stjórnar er á fundi.

33. gr.

Aðalfundur BSRB skal haldinn á síðasta ársfjórðungi ár hvert. Heimilt er að boða til aukafundar ef þörf krefur. Aðalfundur skal boða með þriggja vikna fyrirvara. Aukafundur má boða með skemmri fyrirvara. Sitji stjórnarmenn hann sem fulltrúar fyrir fyrstu 400 félagsmenn bandalagsfélags en félögin kjósi viðbótarfulltrúa fyrir hverja 400 félagsmenn bandalagsfélags þar fram yfir eða brot úr þeirri tölu.

Á aðalfundi eigi auk þess sæti oddvitar svæðisnefnda skv. 37. gr., formenn starfsnefnda og starfshópa á vegum BSRB og starfsmenn BSRB með málfrelsi og tillögurétti en ekki atkvæðisrétti nema þeir séu kjörnir fulltrúar á aðalfundinn.

Aðalfundur afgreiðir ársreikninga bandalagsins, fjárhagsáætlun fyrir næsta starfsár, ákvarðar aðildargjöld, kýs skoðunarmenn reikninga, löggiltan endurskoðanda og fjallar um stefnumarkandi mál. Kjörgengir eru allir félagsmenn í aðildarfélögum BSRB, það á þó ekki við um kjör á löggiltum endurskoðanda.

Á aðalfundi skal gefa skýrslu um störf bandalagsins á starfsárinu og afgreiða erindi sem einstök bandalagsfélög óska. Slík erindi skulu berast BSRB skriflega svo unnt sé að kynna þau með viku fyrirvara.

VIII. KAFLI

Endurskoðun ársreikninga

34. gr.

Aðalfundur BSRB kýs tvo skoðunarmenn og tvo til vara. Skoðunarmenn hafa eftirlit með fjárreiðum bandalagsins milli aðalfunda og gera þær kannanir á bókhaldi sem þeir telja ástæðu til. Skýrslu um störf sín skulu þeir skila formanni stjórnar.

Endurskoðun ársreikninga skal lokið fyrir 1. ágúst ár hvert.

Ef endurskoðun leiðir í ljós að verulegir gallar eru á bókhaldi eða eignavörslu skal tafarlaust gefa bandalagsstjórn skýrslu þar um og ber henni þá þegar að gera viðeigandi ráðstafanir.

IX. KAFLI

Ákvæði vegna laga um kjarasamninga

35. gr.

Stjórn BSRB skal stuðla að því að myndaður verði vettvangur fyrir samstarf bandalagsfélaga við undirbúning og gerð kjarasamninga komi fram óskir um það.

Stjórn BSRB fari með samninga fyrir einstaklingsaðila í samráði við þá.

X. KAFLI

Yfirkjörstjórn

36. gr.

Priggja manna yfirkjörstjórn og jafnmargir til vara skal skipuð af bandalagsstjórn eftir hvert aðalþing. Skal hún hafa yfirumsjón með undirbúningi og framkvæmd atkvæðagreiðslu sem fram fer á vegum bandalagsins og ákveða fyrirkomulag hennar.

Yfirkjörstjórn staðfestir kjörskrá sem gerð er eftir félagatali bandalagsins með breytingum samkvæmt upplýsingum stjórnar bandalagsfélaganna.

Yfirkjörstjórn ákveður hverju sinni meðferð kjörgagna og fyrirkomulag á talningu atkvæða.

XI. KAFLI

Svæðisnefndir

37. gr.

Aðildarfélög BSRB í einstökum landshlutum geta í samráði við stjórn BSRB stofnað svæðisnefndir um sameiginleg hagsmunamál félagsmanna.

Oddvitar slíkra svæðisnefnda eigi sæti á bandalagsþingi og á aðalfundi BSRB með málfrelsi og tillögurétti en atkvæðisrétt hafa þeir ekki nema þeir séu kjörnir fulltrúar.

XII. KAFLI

Lagabreytingar

38. gr.

Lögum bandalagsins má aðeins breyta á aðalþingi. Skulu hafðar tvær umræður um lagabreytingar og telst breyting ekki samþykkt nema 2/3 atkvæða á þingfundi samþykki hana.

Sami frestur gildir um tillögur til lagabreytinga og um stórmál er leggja á fyrir bandalagsþing (sbr. 21. gr.).

39. gr.

Þetta eru lög BSRB eftir breytingar á 42. þingi 21. – 23. október 2009. Samþykkt 23. október 2009. Lögin öðlast gildi þegar í stað. Jafnframt eru úr gildi fallin eldri lög.

Þingsköp BSRB

I. Þingsetning o.fl.

1. gr.

Formaður bandalagsins setur þing og stjórnar fundi þar til kosning þingforseta hefur farið fram.

2. gr.

Þegar að þingsetningu lokinni skilar kjörbréfanefnd (sbr. 22.gr. laga BSRB) álit sínu. Framsögumaður hennar stjórnar nafnakalli er fer fram áður en formaður leitar atkvæða um kjörbréf. Þegar að lokinni samþykkt kjörbréfa fer fram kosning þingforseta.

Tekur hann þegar við störfum og lætur fram fara kosningu 1. og 2. varaforseta, tveggja ritara og tveggja vararitara. Dagskrárnefnd er skipuð þingforsetum.

II. Verksvið forseta og umræður

3. gr.

Forseti stjórnar fundum. Vilji hann taka þátt í umræðum skal hann láta varaforseta taka við fundarstjórn á meðan. Rísi ágreiningur um þingsköp úrskurðar forseti.

4. gr.

Forseti skal gefa mönnum orðið í sömu röð og þeir hafa kvatt sér hljóðs. Ef fleiri en einn kveðja sér hljóðs samtímis úrskurðar forseti í hvaða röð þeir skulu taka til máls. Ræður skal flytja úr ræðustóli.

5. gr.

Engir aðrir en framsögumenn meiri- og minnihluta mega taka oftari en tvisvar til máls við sömu umræðu. Forseta er leyfilegt að takmarka ræðutíma með samþykki þingfundar.

6. gr.

Forseti gætir góðrar reglu á fundum.

Ef ræðumaður heldur sér ekki við umræðuefnið eða viðhefur ótilhlýðileg orð varðar það áminningu frá forseta sem þá hefur vald til að taka orðið af ræðumanninum.

7. gr.

Eigi má, nema með leyfi forseta, lesa upp prentað né skrifað mál annað en nefndarálit og tillögur.

III. Tillögur og atkvæðagreiðsla

8. gr.

Allar tillögur skal gera skriflega og afhenda forseta. Bera skal þær undir atkvæði í sömu röð og þær hafa verið lagðar fram, sbr. þó 12. gr. Séu fleiri en ein tillaga í sama máli skal þó fyrst bera upp þá tillöguna sem lengst gengur.

9. gr.

Breytingartillögur skal bera upp á undan aðaltillögu. Breytingartillögu sem kollvarpar eða breytir aðaltilgangi annarrar tillögu má ekki taka til greina.

10. gr.

Breytingartillögur um að fella úr, bæta í eða auka við tillögu skal bera upp þannig að lesa fyrst upp aðaltillögu óbreytta, því næst breytingarnar og loks aðaltillöguna eins og hún yrði með breytingunum.

11. gr.

Forseti hefur heimild til að bera tillögu upp í tveimur eða fleiri liðum en þó því aðeins að hver liður sé sjálfstæður og að skiptingin geri tillöguna ekki óljósa.

12. gr.

Forgangstillögur eru í þessari röð:

1. Tillaga um að ganga til atkvæða.
2. Tillaga um að vísa máli frá.
3. Tillaga um að taka fyrir næsta mál á dagskrá.
4. Tillaga um að fresta máli.
5. Tillaga um að vísa máli til annars valds.
6. Tillögur undir 1. tölul. má ekki ræða.

13. gr.

Tillögu sem hefur verið felld má ekki bera upp aftur á sama þingfundi. Með samþykki minnst 2/3 hluta atkvæða má þó taka málið upp á ný síðar á þinginu.

14. gr.

Heimilt er tillögumanni að taka aftur tillögu á hvaða stigi máls sem er en öðrum fulltrúum er heimilt að taka hana upp á ný.

15. gr.

Atkvæðagreiðsla fer fram með handauppréttingu. Skrifleg atkvæðagreiðsla eða nafnakall fer fram ef 1/10 fundarmanna samþykkir það.

IV. Kosningar

16. gr.

Á hverju aðalþingi er skylt að kjósa eftirtaldar nefndir:

1. Starfskjaranefnd.
2. Fræðslunefnd.
3. Allsherjarnefnd.
4. Kjörnefnd.
5. Aðrar nefndir samkvæmt ákvörðun þingsins. Stjórn BSRB gerir tillögu að fjölda fulltrúa í nefndum þingsins.

Tillögur nefndanefndar og kjörnefndar svipta ekki einstaka fundarmenn tillögurétti um menn í nefndir eða stjórn.

Kosning nefnda er bundin við tilnefningu og fer fram skriflega nema eigi séu fleiri tilnefndir en kjósa á en þá eru nefndarmenn sjálfkjörnir.

Auk kjörinna nefndarmanna hafa allir þingfulltrúar rétt til að koma á fundi nefndanna með málfrelsi og tillögurétti. Einstakar nefndir geta þó ákveðið lokaða fundi.

17. gr.

Sá sem fær flest atkvæði í nefnd eða er fyrst tilnefndur, ef nefnd er sjálfkjörin, kveður nefndina saman til fyrsta fundar og stjórnar þar kosningu formanns. Síðan fer fram kosning ritara og framsögumanns.

18. gr.

Þegar kosning er bundin má ekki kjósa aðra en þá sem tilnefndir hafa verið.

Ef meirihluta greiddra atkvæða þarf til að ná kosningu og það atkvæðamagn næst ekki í fyrstu umferð skal kosið að nýju um þá sem ekki náðu kosningu. Verði kosningu þá ekki heldur lokið skal kjósa um þá sem flest atkvæði fengu en ekki náðu kosningu í annarri umferð þannig að tveir séu í kjöri um hvert sæti.

Ef tveir eða fleiri fá jafnmörg atkvæði ræður hlutkesti úrslitum.

19. gr.

Atkvæðaseðill er ógildur ef á honum eru nöfn manna sem ekki eru í kjöri, eða ef ekki eru greidd atkvæði jafnmörgum mönnum og kjósa á.

Auður seðill telst til greiddra atkvæða.

20. gr.

Kosning formanns, 1. og 2. varaformanns, gjaldkera og ritara fer fram samkv. 30. gr. laga BSRB.

V. Breyting þingskapa

21. gr.

Þingsköpum þessum má breyta á reglulegu þingi BSRB með 2/3 greiddra atkvæða.

Þannig eftir breytingar á 42. þingi BSRB 21. –23. október 2009. Samþykkt 23. október 2009.